

Zastupnik u Skupštini Kantona Sarajevo

Elvis Vreto

Broj: ____/19

22.Radna sjednica

Sarajevo, 11.03.2020. godine

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo
Ministarstvo saobraćaja KS

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu. upućujem inicijativu **za izmjene Zakona o izmjenama i dopunama Zakona o uređenju saobraćaja na području Kantona / Sl KS 30/17 i 46/17/ u članu 1. koji se odnosi na izmjene i dopune člana 40. stav 1 i 3.**

Član 1. mjenja se i glasi:

(Izmjena Člana 40.)

U Zakonu o uređenju saobraćaja na području Kantona Sarajevo i izmjenama i dopunama Zakonu o uređenju saobraćaja na području Kantona Sarajevo ("Službene novine Kantona Sarajevo", broj 30/17 i 46/17),

Član 40. mijenja se u stavu (1) i (3) i glasi:

Član 40.

(Snabdijevanje)

(1) Snabdijevanje poslovnih objekata na području Općina Stari Grad i Centar (glavne primarne saobraćajnice na dionici Vijećnica - Marijin Dvor u oba smjera i u ulicama unutar ovog prstena vrši se u terminima od: **00:00-11:30 i 17:30 - 19:30 sati.**

(2) Snabdijevanje poslovnih objekata na području Kantona Sarajevo koji se nalaze izvan područja iz stava (1) ovog člana i koji se ne nalaze u pješačkoj zoni i ulicama zabranjenim za saobraćaj, vrši se tokom cijelog dana u skladu sa odredbama ZOSS-a.

(3) Snabdijevanje objekata koji se nalaze u pješačkim zonama vrši se do **10:00** sati za tekući dan, uz odobrenje koje izdaje Ministarstvo ili ako saobraćajnim znakom nije drugačije regulisano.

O B R A Z L O Ž E N J E:

Na osnovu razgovora sa privrednicima u više navrata su mi ukazali na objektivne probleme sa kojima se susreću zbog člana 1 izmjena i dopuna Zakona o uređenju saobraćaja na području KS a koji se odnosi na izmjene i dopune član 40 stav 1 i 3 Zakona o uređenju saobraćaja u KS. Zbog efikasnije dostave i izbjegavanja objektivnih problema sa terminima, zamolili su me da pokrenem inicijativu kako bi se režim uređenja saobraćaja izmjenio u dijelu koji definiše termine dostave a koji će im omogućiti normalan rad i funkcionisanje. Termin koji je definisan na kraju stava (1) potrebno je izmijeniti kao i termin u stavu (3) na način kako sam i predložio u inicijativi u odnosu na trenutno važeće termine.

Tražim od ministarstva saobraćaja i Vlade KS da razmotre i prihvate inicijativu i po mogućnosti po hitnom postupku predlože SKS navedene izmjene i dopune Zakona o Zakonu o uređenju saobraćaja na području Kantona Sarajevo.

S poštovanjem

Elvis Vreto

Zastupnik u Skupštini Kantona Sarajevo